



# Riit im Bwebwenato: Kōnono kōn Bok ko

An Jessica Sidler Folsom, Ph.D.

Enañin aolep jinen im jemen ri-jikuu! ro im ri-kaki ro aer rej jimor rej errā ikijjien aorōkin riit ñan ajri. Bar āinwōt [taktō in ajri ro im aujpitōl ko rej rōjañe](#). Bōtaab, aṃ kōnono im riit emaroñ in laṗloṗ an aorōk ñan jeḷāloṗken jān an maroñ in kanne awa ko wōt iṃaan iien kiki ak ṃōñā in raelep.

Epidodo ad bōk juon bok jān jikin wōt, riiti, im bōlen kajjitōk kōn jet men ko ālikin jemloṗkin bwebwenato eo ak jab kanooj in loṃṃak kaki kōn bok eo me kōmij kāālōte ak wūnin ad riiti bwebwenato eo. Bōlen ej bok eo eṃṃantata ippān ajri eo, ak toan ekkar ñan tōre eo. Bōlen ej ekkar ñan men ko kōmij katakin ilo kilaj eo ilo wiik eo. Bōtaab, waan joñak kein rej ikijjien rūtto wōt. Rūtto eo ej kāālōte bok eo, ej riiti bwebwenato eo, im ej kōṃṃan kajjitōk ko ak ej tōl iien kōnnaan eo.

Juon wāween me eḷaṗloṗ an itok-limoin ajri kaki im eḷaṗloṗ an kōddek ej riit-ippān-doon (interactive) ak riit-bwebwenato (dialogic). Riit-bwebwenato ej jeḷōte juon rūtto im juon ajri me rej bwebwenato ikijjien bwebwenato eo me rej riiti. Bwebwenato eo aer ej kōpool naan ko rekāāl, kōweppān aer mejādik kōn kōnono, kowaḷok men ko ṃōttan bwebwenato eo, kōddek mejādik ilo aer kowaḷok wāween juon bwebwenato.

Ñe ejimwe an jinen im jemen ri-jikuu! ro im ri-kaki ro karōke im jejjet kūtien riit-bwebwenato, ekkatak ko rej kowaḷok ke eḷaṗloṗ tokjān ilo an kōweppānloṗ mejādik ko āinwōt kile naan ko, kōnono kajin, im meḷeḷe. Men eo aorōktata, ej jipañ ilo an kowaḷok waan joñak kōn wāween ro me rej eṃṃan ilo aer riit rej loṃṃak kōn bwebwenato eo ñe rej riiti. Jipañ ko jān riit-bwebwenato rejjab ñan ajri reddik wōt. Meñe loṃṃak in ekar ijino kōn aer riit bok in pija ko ri-pre-jikuu! ro (Whitehurst et al., 1988), eḷaṗ wōran ekkatak ko im eṃōj aer kakileḷoṗ aer kōjerbali ñan ded ko jet im jarlepju ko, kōpool ri-jikuu! ro me elōñ aer utaṃwe (What Works Clearinghouse, 2010), ro me elōñ aer apañ ikijjien riit (Swanson et al., 2011), im ri-ekatak Kajin Pālle ro (Brannon & Dauksas, 2014).

## Alen Kajjitōk ko Reoktak ilo Riit-Bwebwenato

Juon wāween jejjet kūtien riit-bwebwenato ekkar ñan ṃanit ej kōpool bar riiti ejja bok eo elōñ iien ko im jeral ippān doon ikijjien jilu alen kajjitōk ko (Flynn, 2011).

- **Alen 1** kajjitōk ko rej jinoin kajjitōk “wh” (ilo Kajin Pālle) kain kajjitōk ko me rej kalimjeke ta eo kwōmaroñ in loe (ak riiti) ilo bwebwenato ko. Alen 1 ej bar kōpool naan ko rekāāl. Āinwōt waan joñak, ñe ej jitōñ juon pija, ri-riit eo rūtto enaaj bōlen

[iowareadingresearch.org](http://iowareadingresearch.org)

 @IAReading |  @iowareadingresearchcenter



## Student Reading Success Through Research and Collaboration

kajjitōk, “Neen menin mour in rej ne rot?” Ilo men in, rūtto eo ej pukote juon uwaak ejejjēt im ejimwe bwe en kakilep̄lok naan ko kōnono an ajri eo.

- **Alen 2** kajjitōk ko rej peļļok-jemļokin im rej kōjerbal n̄an kajjitōk kōn an ajri eo uwaake im letok ļōmņak ko an. Āinwōt waan joņak, ri-riit eo rūtto enaaj bōlen kajjitōk, “Ta eo ej waļok ijin ilo bwebwenato in?” Ilo men in rūtto eo ej kajjioñ in rōjañe ajri eo bwe en kowaļok ta eo me ej ļōmņak kaki im kōmņan meļeļein jān bwebwenato eo.
- **Alen 3** kajjitōk ko repenļok im rej kowaļok ļōmņak ko āinwōt wāween bwebwenato eo im men ko mōttan bwebwenato eo. Āinwōt waan joņak, ri-riit eo rūtto enaaj bōlen kajjitōk, “Wōn eo ekar armej eo eļaptata aorōkin im ta eo ekar eņjake?” Menin enaaj bōlen kōpoļ kajjitōk ko me rej kōttoļok ri-jikuuļ eo jān bwebwenato eo im kopā bwebwenato eo ippān an make mour. Āinwōt waan joņak, “Ta eo kwōnaaj eņjake elañe men in ekar waļok n̄an eok?”

## Oktak ko Ikōtaan Wāween Kōjerbal Riit-Bwebwenato me Rejimwe im Rejjab Jimwe

Riit-Bwebwenato...

- **Ejjab** "ri-kaki ej riit, ri-jikuuļ rej roņjake"
- **Ejjab** ri-kaki ej tōl
- **Ejjab** āinwōt jemļokin ej riit bwebwenato eo wōt innām enaaj wōr kajjitōk im kōnono kaki ālikin
- **Ejjab** n̄an ajri rekanooj in dik wōt

Dialogic reading...

- **Ej** ippān doon
- **Ej** bōk ri-jikuuļ āinwōt ioļapān
- **Ej** kōmņan ippān naan ko bwebwenato im kowaļok ippān kajjitōk ko im kōnono kaki ilo aolepan iien riiti
- **Ej** juon menin kōmņan me ej aikuj bwe en tiljek ad karōke
- **Ej** n̄an ri-jikuuļ ro ilo aolep alen ko

Meñe elōñ jet wāween jipañ jilu alen kajjitōk ko ilo riit-bwebwenato, rej ñaetan wāween ko ruo me ekkātata ippān āt lōta ko [CROWD](#) im [PEER](#). Eñōj etale er aolep ilo IRRC blog post ko mokta, im post in enaaj kakilep̄lok wāween ko ruo im leļok bar juon kein jermal n̄an jipañ ilo aṃ karōke juon menin kōmņan riit-bwebwenato.



## Etale Alen Kajjitōk ko Oktak kōn CROWD

Jej kōjērbal CROWD nān keememej kain kajjitōk ko nān kajjitūkin er kaki: **completion** (kadedeļok), **recall** (keememej), **open-ended** (peļļok-jemļokin), “**wh**” kajjitōk ko (naan ko me rej jino kōn “wh-“ ilo Kajin Pälle), im **distancing** (kōttoļok). Juon wāween me ej kakilepļok CROWD ej CROWD-HS, me jej kōjērbal nān rōjañe kein jinoe kōttoļok me rej ekkar nān **home** (iṃōn) im **school** (jikuu!). Eñin juon waan joñak kōn CROWD-HS kajjitōk ko kōn bwebwenato eo ekkā kōn *The Three Little Pigs* (*Piik ko Jilu Reddik*).

**C**ompletion kajjitōk (kadedeļok): “Inaaj huff, im Inaaj puff, im Inaaj \_\_\_\_\_”  
\_\_\_\_\_.”

*Uwaak: Uuki iṃōṃ nān an wōtļok (Blow your house down).*

**R**ecall kajjitōk (keememej): Mweo ta im Kidu Wolf eo Kilep im Nana ekar jab maroñ in uuki nān an wōtļok?

*Uwaak: Mweo kōṃṃan jān dekā brick ko.*

**O**pen-ended kajjitōk (peļļok-jemļokin): Ilo aṃ ļōmṃak, etke piik eo kein kajuon ekar kōṃṃan ṃweo iṃōn jān wūjooj ṃōrā?

*Uwaak: Ekar pidodotata nān kōṃṃane. Ekar jāniknik.*

“**Wh**” kajjitōk (*what, who, when, where, why*): Menin mour rot ekar pukote piik ko?

*Uwaak: Kidu Wolf.*

**D**istancing kajjitōk (kōttoļok): Ilo aṃ ļōmṃak, ta eo im piik ko rekar eñjake ke kidu wolf eo ekilep im nana ekar kajjioñ in jibwe er?

*Uwaak: (Uwaak ko renaaj oktak.) Mijak, illu, būromōj.*

**H**ome kajjitōk (iṃōn): Elaññe kwōj aiku in kalōk juon eṃ-ikkure iturin ṃweo iṃōṃ, kwōnaaj kakōl kain rot?

*Uwaak: (Uwaak ko renaaj oktak.) Eṃ ilo wōjke, eṃ nuknuk, eṃ me (fort).*



**S**chool kajjitōk (jikuu!): Kidu wolf eo ekar juon bully. Ekar ṁōrō ñan piik ko jilu reddik. Ta eo kwōn kōṁṁan ñe juon armej ej bully eok ilo jikuu! eo?

*Uwaak: (Uwaak ko renaaj oktak.) Jiroñe ñan juon ri-kaki. Jiroñe bwe en kabbōjrak. Kōjekdoṁe.*

## Jinoe Bar Bwebwenato kōn PEER+PA

CROWD-HS ej jipañ ñan keememej kain kajjitōk ko me kwōn kajjitūkin kaki, ak keememej ke wūnin ej ñan kōṁṁan kōnono kōn bwebwenato eo, ak jab jinoe uwaak ko juon-naan wōt. Kwō maroñ in kōjērbal wāween PEER (**p**rompt (jinoe), **e**valuate (etale), **e**xpand (kakilepḷok), im **r**epeat (bar ba)) eo ñan jipañ rūtto eo bwe en rōjañe uwaak ko reṁwilaḷḷok. Juon menin kakilepḷok PEER ej PEER+PA, im jej kōjērbal ñan keememej rūtto ro bwe en **p**raise (nebar) ajri eo kōn an bōk kuṁaan ilo aer kōnono kake im bwe en jipañ ajri eo an **a**pply (kōjērbali) uwaak eo bwe en wōr meḷeḷein. Jej kōjērbal men kein ṁōttan ilo aolepan ad kōnono ippān ajri eo. Eñin juon waan joñak in kōjērbal PEER+PA ippān juon jān kajjitōk ko CROWD-HS ilōñ:

**P**rompt (jinoe) ajri eo bwe en ba juon men kōn bok eo.

Rūtto: Menin mour rot ekar kajjioñ in jibwe piik ko jilu reddik?

*Ajri: Kidu Wolf.*

**E**valuate (etale) uwaak eo an ajri eo.

Rūtto eo ej ḷōmṁak ñan emake, “Aaet, ekar juon kidu wolf, ak jemaroñ in koba bar meḷeḷein ñan uwaak eo.”

**E**xpands (kakilepḷok) uwaak eo an ajri eo.

Rūtto: Aaet, ekar juon kidu wolf ekilep im nana!

**R**epeat (bar ba) kein jinoe.

Rūtto: Menin mour rot ekar kajjioñ in jibwe piik ko jilu reddik?

*Ajri: Juon kidu wolf ekilep im nana!*



**P**raise (nebar) im **A**pply (kōjerbal) uwaak eo an ajri eo.

Rūtto: Ejimwe! Kidu wolf ekilep im nana ekar kōṇaan jibwe piik ko jilu reddik. Ej emṇan wōt aṇ keememej bwebwenato eo! Ta eo kwōnaaj eñjake elaññe kwaar loe juon kidu wolf ekilep im nana?

Ajri: (Uwaak ko renaaj oktak.) Inaaj kar mijak im ko.

## Katakin Naan ilo Riit-Bwebwenato

Keememej juon mejānkajjik im eḷap aorōkin ilo riit-bwebwenato ej ṇan kakilepḷok mejādik kōn an ri-jikuu! ro ilo kōnono, eḷap ilo wōran naan ko. Juon wāween kōṇṇane me in ej ilo ad kōjerbal menin kōṇṇan ko mokta-jān-riit ṇan katakin naan ko ki. Āinwōt elōñ jilu alen kajjitōk ko ṇan jipañ kōnono kōn bwebwenato eo, epidodo ad ḷōmṇak kōn naan ko ilo jilu tier ko:

- **Tier 1** naan ko rej jinoin naan ko me ren pād ilowaan naan ko me juon ajri ejeḷā ṇan bōk im kowaḷok meḷeḷein. Tier 1 naan ko ilo bwebwenatoun Piik ko Jilu Reddik renaaj kōpooḷ: em, piik, kidu wolf.
- **Tier 2** naan ko emmakijkij aer waḷok ilo bwebwenato ko ṇan ri-kōjerbal kajin eo rūtto. Jān katakin naan ko ṇan jipañ ṇan kakilepḷok naan ko in bōk im kowaḷok meḷeḷein an ajri eo. Juon Tier 2 naan ilo bwebwenatoun Piik ko Jilu Reddik enaaj bōlen rūttoata (jet iien ko bwebwenato eo ej ba ke piik eo kein kajuon ej rūttoata iaan piik ko jilu).
- **Tier 3** naan ko rej ekkar ṇan “domain” wōt im ej emṇantata ekkatak naan kein ṇe rej aikuji ikijien kobban ak ilo juon meḷan ejejjet. Ekkālōk an naan kein waḷok ilo juon bwebwenato āinwōt Piik ko Jilu Reddik. Bōtaab, juon wāween bwebwenato aepokpōḷok enaaj bōlen kōpooḷe Tier 3 naan ko ikijien kein likūti dekā brick ko me piik eo kein kajilu ear kōjerbal: trowel.

Meñe jemaroñ kowaḷok jet naan ko ilo iien riit-bwebwenato, eḷap aorōkin aṇ tiljek ilo aṇ kile im katakin-mokta jabdewōt naan ko me renaaj bōlen bōbrae an juon ri-jikuu! meḷeḷe bok eo. Ri-riit eo rūtto emaroñ in kile Tier 2 naan ko me renaaj jipañ an meḷeḷe bwebwenato eo kiōkiō im ke ajri eo enaaj bōlen kōjerbal ak riit ilo bar jet meḷan ko.

Kiō jej tutu ilo alen ko, tier ko, im juub aḷbapeet, ekōjkan ad naaj jepake bar ioon dān, koba aolep, im lukkuun kōjerbal riit-bwebwenato? Men eo eḷaptata aorōkin ej bwe en bwe wōt ad kōpōjak! Menin ij kōpooḷ ad kāālōte juon bwebwenato ekkar me ej rōjañe kōnono kake, kile naan ko ṇan katakin-mokta, ḷōmṇak kōn kajjitōk ko CROWD-HS, im katmāne uwaak ko an ajri eo me kwōnaaj maroñ in jermal ippān PEER+PA ṇan kakilepḷok kōnono eo. Kwō maroñ in likūti **Guide ṇan Riit Ippān Doon** (Interactive Reading Guide) eo iumwin ilo kajjojo bok eo ṇan jipañ aṇ karōke naan im kajjitōk ko me kwōnaaj kōpooḷ.

[iowareadingresearch.org](http://iowareadingresearch.org)



@IAReading |



@iowareadingresearchcenter



Kwōn kōjērbal kajjitōk ko ilo aolepan iien aṃ riiti bwebwenato eo, ejjab ilo jemlōkin wōt, im kwōn jab melōkļok in jei juon nōm̄ba in peij eo ñan kajjojo! Men in enaaṃ kapidodoļok aṃ ak an bar juon arnej loe jikin jinoe kōnono ñe kwōj jejjēt kūtien riit-bwebwenato.

## Kakōļle in Bok/Menin Likūt ilo Bok ñan Jipañ ilo Riit-Bwebwenato

[Jilu Riit Ippān Doon Guide Bok Menin Likūt ñan Download](#)

[Emān CROWD Kakōļle in Bok ñan Download](#)

[Emān PEER Kakōļle in Bok ñan Download](#)

## Reference ko

Brannon, D., & Dauksas, L. (2014). An riit-bwebwenato jērbal ilo kakileļok ekkatak Kajin Pālle pre-jikuuļ ajri kajin ilo kowaļok. *International Research in Early Childhood Education*, 5, 1-10.

Flynn, K. S. (2011). Kōddek an ajri ro mejādik ilo kajin kōnono jān riit-bwebwenato Guideline ko ñan jejjēt kūtien. *Teaching Exceptional Children*, 44, 8-16. doi: 10.1177/004005991104400201

Stephenson, J. (2010). Riiti bok ko āinwōt juon melan bōbrae ñan ajri ro me rej jinoin kōjērbal kakōļle ko pija ñan kōnono. *Journal of Developmental and Physical Disabilities*, 22, 257-271. doi: 10.1007/s10882-009-9164-6

Swanson, E., Vaughn, S., Wanzek, J., Petscher, Y., Heckert, J., Cavanaugh, C., . . . Tackett, K. (2011). Juon laajrak-koba kōn bōbrae ko riit-kōnono ikijjien ajallikin ṃōkaj-ñan-riit ilo jarin ri-pre-jikuuļ ñan ri-kilaj-kein-kajilu me pād ilo-uwōta in apañ ko ikijjien riit. *Journal of Learning Disabilities*, 44, 258-275. doi: 10.1177/0022219410378444 | [Full article](#)

What Works Clearinghouse (2010). *What Works Clearinghouse intervention report early childhood education interventions for children with disabilities: Dialogic reading*. Washington, DC: Institute for Education Sciences. Retrieved from <http://ies.ed.gov/ncee/wwc/InterventionReport/136>



## Student Reading Success Through Research and Collaboration

Whitehurst, G. J., Falco, F. L., Lonigan, C. J., Fischel, J. E., DeBaryshe, B. D., Valdez-Menchaca, M. C., & Caulfield, M. (1988). Kōmōkajlōk kōddek kajin jān riit bok in pija. *Development Psychology*, 24, 552-559. doi: 10.1037/0012-1649.24.4.552